

宣南吏隱著

國民
官場現形記

中國第一書局出版

中華民國 9 年 月 出版

民國官場現形記

全書一冊

定價大洋三角

版權
所有

編輯者 宣南史隱

印刷者 中國第一書局

分發行者 各省各大書坊

總發行所（上海）中國第一書局

繪圖民國官場現形記目錄

上編

趙戎山賞識小金鈴·····	一
劉喜奎鍾情差遣官·····	一
麵粉皮袍人心收買·····	二
不分你我耳朵遭殃·····	三
小奇謀妻坐三等車·····	四
大演說子比哈吧狗·····	四
不幸奉軍爲野獸·····	五
多才李氏建奇勛·····	五
洋車夫大罵馮督軍·····	六
小掌櫃得罪大軍閥·····	七

政治刷新舊紳士謗言四起·····	八
章程規定警務長悔罰三千·····	九
張紹曾舉棋莫定·····	一一
劉鎮華通電擋駕·····	一一
田中玉親捧痰盂·····	一三
鄭光圓自打耳光·····	一三
蔡成勛不會不得了·····	一四
王懷慶這成什麼話·····	一六
夏佩琰陰謀蕭耀南·····	一六
劉鎮華求雨大爺海·····	一七
薩鎮冰勤儉可風·····	一九
湯薌銘進退維谷·····	一九

關外王威逼吳癩痢·····	一
關外王勢壓李大少·····	二
中央公園大發脾氣·····	三
美國使館當場出醜·····	四
打扑克吃癆惱羞成怒·····	五
逛窯子化錢爲好成讎·····	六
師長將司令擲票誰是誰非·····	七
報紙傳戰將陣亡忽生忽死·····	八
張翼德警告段祺瑞·····	九
吳俊陞示威鍾監督·····	一三
土布大麵儉德規人·····	一四
佯羞假媚名伶愛我·····	一五
多情女偏逢薄倖郎·····	一六

莽將軍欲話尷尬事·····	一七
段芝貴語妙天下·····	一九
張敬堯暴政彰聞·····	二三
閻玉成該死該死·····	二七
張宗昌該打該打·····	二七

繪圖民國官場現形記

宣南吏隱 著

上編

趙戎山賞識小金鈴

趙戎山行轅設於漢口。選色徵歌。夜無虛度。女伶小金鈴。最蒙其賞賚。肉屏之選。推爲第一。直隸省議會議長卞某。時亦追隨在漢。爲趙之心腹。趙迷花戀色。卞尤善於逢迎。趙欲得良好之唐宮秘戲圖。卞適有牙製漢宮春色一巨幀。存津寓。是物爲清廷珍品。庸西林任熱河都統時所懷出。因與卞有舊。轉贈之。趙三聞之大喜。急電津官署。囑崑差向卞宅索取。星夜賫至漢皋。事爲趙鏐所知。又要於行邸。攜之竟去。專差無如之何。稟之趙三。謂是物爲七大人奪去。（鏐行七）趙畏弟如虎。莫敢追問。徒呼負負而已。

劉喜奎鍾情差遣官

趙在湘川行間寂寞。曾納鄂人錢雅文之養女爲妾。以慰客懷。回津之後。忽又垂涎於女

伶劉喜奎。常於晚間招之入署。演戲一折。賜金一千八百不等。初意將納之下陳矣。某年在保慶壽。招待員中有蔡成之其人。陸軍部之差遣也。喜奎自京奉召至保。與蔡相值。喜奎天津之楊柳青人。蔡與之同里閭。一見相傾。遂訂白頭之約。時喜奎爲陸軍第九師師長樂金奎禁嚮。一旦爲蔡所奪。銜之刺骨。借事中傷蔡。喜奎知不有强有力者主婚。必生橫禍。乃親至保定。求趙三設法。趙亦大不謂然。後見喜奎嫁蔡之念堅決。大有不成則死之概。竟一諾無間言。於是蔡劉方得遂雙飛之願。樂無如之何。僅將蔡之差遣撤去而罷。然蔡仍賴閨人之力。再懇於趙。趙薦之往吳子玉處。今則居然爲吳面前三等紅人。世議趙三此舉。雖不若越國公之成全樂昌破鏡。紅拂夜投。然亦不讓畢秋鵬之遺贖逃伎。將來必有食報之日。

麵粉皮袍人心收買

軍閥之生命。完全屬於丘八手中。軍閥之威勢。完全爲丘八所造成。故自前年李純自殺之後。一般頭腦清晰之軍閥。大有覺悟。曹尤始終抱定他殺之疑心。故對於部下軍官兵士。均實行有福共享主義。前年冬天。曹特地購置一萬件皮袍。凡屬直系軍官。每人一件。又

買幾萬袋麵粉。每兵士賞給兩袋。因此部下歡聲載道。此次直奉之戰。士卒樂於効命者。皆賴此小惠。買服人心矣。惟曹於散給皮袍之時。親自演說道。「咱們軍人。向來有個同袍名字。所以我今天每人賞一件羊皮袍子。就是實行同袍二字的意思。」識者聞之。忍俊不禁。但絳灌無文。隋陸無武。自古已有定評。吾人亦不必苛責曹之誤解同袍之義也。

不分你我耳朶遭殃

在昔津人稱曹曰瘋子。見客張手讓坐。熱如昆季。好以老大哥自居。動輒呼人老弟。談笑間作。若見肺肝。麻雀一場。闕然送客。其實對答圓融。心口甜辣。何嘗瘋哉。此次直奉未開戰前。曹四（銳）力主聯張拒吳。錕初猶猶豫。迨張福來至保開軍官會議之後。曹聞部下一致憾銳。乃當衆擠弟之耳。大聲曰。功名富貴。皆我掙來。今決計犧牲。你如不贊成開戰。登報脫離兄弟關係可也。言已。卽令熊炳琦致電洛吳曰。「你卽是我。我卽是你。親戚雖親。不如我自己親。你說怎麼辦。就怎麼辦。」熊請改文言。曹曰不必。儘管照此拍發電去。後二十四小時內。吳已至保調兵遣將。是豈瘋子所能爲。苟神經有病。斷無能拍發此胡派之電報矣。

小奇謀妻坐三等車

直派第二首領吳佩孚。山東登州府蓬萊縣人。現年四十三歲。生於前清光緒六年庚辰三月。曾入學爲秀才。爲人沈毅果敢。處事有決斷才。坐言起行。爲近日軍閥中之數一數二人物。故有智多星之稱。此次與奉開戰。曹錕將家眷送至漢口。吳則反攜妻北上。曹力主不可。迫其與己之眷屬。伴同至漢住兩日。吳已有急電促北。祇許坐二三等車至保。不准用花車。至保之後。慰勞傷兵。督率女僮爲軍士縫紉軍衣。皆吳特命之任務。不敢違也。部下爲之感動。

大演說子比哈吧狗

吳佩孚無子。以長兄子瞻之次子。撫爲己出。吳不贊成現在所辦之學校。謂苟令子弟肄業。反而担誤。故別延一宿儒在署。教子誦讀。注重國文與英文。吳此著頗有見地。蓋近日中國中學校。確乎辦理良善者。十不得一二。但吳子好服西裝。情性與嗣父少異。此次於開火前一日。吳在保定火車中。乃集臨陣各軍官。開緊急會議。吳親自演說。聲淚俱下。中有最動人者數語。曰：「如敗余一死以謝諸君。吾子豚犬不足述也。」聞者莫不淒然。及至戰

勝之後。人憶吳之演詞。謂自比其子爲犬。其子又好着西裝。迨爲西洋種之哈吧狗乎。

不幸奉軍爲野獸

奉軍在京畿一帶。威燄炙手者。三載於茲矣。京城市民。每提大兵（奉軍自命名曰大兵。言有別於尋常小兵也。）銜名。聞者股慄。大有張文遠威震逍遙津後。能止江南小兒夜啼之聲勢。故當戰事開始。無論何方人。皆有一種不自知所以然之心理。蓋人人希望直勝。又恐軍械不敵。直敗。及至奉軍敗退出關。消息至京後。卽有一種童謠曰：「頭帶金邊帽。腰懸盒子砲。媽的巴子是免票。後腦壳子是護照。聽說要打仗。拿着鎗兒往老家跑。」不知誰何之作。九城傳遍。而吳子玉至津後。親謂楊敬林（以德字）曰：「我不過借作軍事上之實地練習。聊勝於尋常訓練。張作霖的兵。那裏配說與我打仗。我祇當打獵一般。」由是以言。吳視此戰爲打獵。比奉軍皆爲野獸矣。

多才李氏建殊勛

各方對於直軍之戰勝。侈談戰跡。咸歸吳氏。其實皆平日軍學處長李濟臣之有系統教育所收效果也。李名濟臣。與吳佩孚同鄉。日本士官畢業生。曾充北京武備學堂教習。精

通英法日德俄五國語言。洞悉列強軍制之內容。實地作戰。饒有經驗。尤工於射擊。吳於直皖役後。由靳翼青之介紹。聘之爲軍學處長。李制定有效力之軍事教育。以訓各軍。對於中下級將校及士兵。則施以強迫教育。自營長至排長。每日除例定操演或野外實習外。至少須上內堂功課一班。教以世界大戰中種種戰術。排長以下。則除學習砲術及作戰理論外。復教以軍紀風紀之維持法則。至上級軍官。則設有研究處。施以最新之軍事教育。規定修業期限。各官佐皆須往肄業。俟畢業後再回原職。此外尚有學生營。拳術營。講武堂。青年營等。各視其名。施以相當之教育。此次吳一戰而霸。李之功也。故以參謀長授李。藉酬其勛跡云。

洋車夫大罵馮督軍

馮玉祥。字煥章。安徽籍。外人許之爲中國之模範軍人。亦卽直系中一等一之要人也。自爲河南督軍以來。街上遍貼格言。禁止酗酒吸香烟。宿娼賭博。着綢衣絲襪緞鞋等事。苟有犯者。嚴罰不貸。如犯賭。則將义麻雀四人共扛賭枱。枱上仍有一百三十六張骨牌。由警察押之。游行街市。賭時如若人在旁觀局。則亦須自持一櫬。隨局中人游街。始已。吸香

烟着綢服。則加稅。而絲襪緞鞋尤甚。每一只須納稅一元。曾私行鬧市。見有一着緞鞋者。馮向之立正。彼人愕然。馮謂余並非敬汝。人係敬汝所着之鞋也。彼人始知其爲督軍。伏地乞命。馮謂至附近警局納稅可耳。既至。彼人身畔祇有一元。照例須上捐兩元。今祇半數。馮乃命其脫下一隻。存於局中。俟取款來領。若人乃一鞋一襪。予予以去。因是汴垣風氣。頓由驕奢而變樸實。與趙倜時代大不相同。馮好私行。日前至相國寺。見有人以土車運土填坑。力不勝。馮卽上前助力。代爲推挽。良久始去。人亦不知其爲督軍也。一日晚出。乘洋車回署。途中詢車夫之生活。並探其對於新督軍輿論好歹。車夫不知其爲馮也。慨然對曰。『生活本極困苦。自馮玉祥這小子來汴。更覺不了。因爲他自己不坐車。禁止手下多不許坐車。晚上戒嚴太早。電燈一亮。街上便沒有人啦。姓馮的再要做下去。恐怕連白天都要看不見人了。馮下車後。給予銀幣一枚。翌日。卽將戒嚴時間。改至晚上十一句半淨街。並許連長及二等科員以上。乘車出入。納諫從善。可敬也。』

小掌櫃得罪大軍閥

馮玉祥因豫東匪患。親自出巡。在商邱朱集。担擱月餘。每日住宿。都不在行署內。（馮之

行署係一軍用帳棚。喜與部下士卒雜居。亦無一定地點。大有甘苦相共之風。會有李鳴鍾（馮部下之旅長）部下差弁完婚。馮知其窘乏。親助銀三十元。合卺之夕。馮躬往致賀。並索食喜菓。無事時。着破爛衣服。私往馬牧防次。偵察一切。有時改作兵丁模樣。上飯鋪茶肆。訪察民情。一日在一小飯館吃飯。問掌櫃有豆角及黃瓜否。掌櫃見其衣衫襤褸。頗漠視之。盛氣答曰。沒有素菜。祇有鷄魚大肉。馮又婉問。能代覓些青菜否。掌櫃不答。隱示逐客之意。馮不得已快快而去。旋即有兵士多人。到飯館將掌櫃申斥。掌櫃始知適所光臨者。即全省督軍。懊喪無及。

政治刷新舊紳士謗言四起

馮玉祥以軍事專家。一變而使爲政治生活。試辦模範縣。創立講演社。提創放足剪髮。禁止嫖賭吃著。整頓路政。興辦工場。誠可謂勤奮純樸之新人物。但一般游手好閒。終日無事。技癢難搔。惟有痛罵馮督爲消遣。因強迫放足。婦女輩亦有恨馮者。然此皆爲改革時必有之現象。不足爲盛德累也。馮本基督教徒。故極力破除中國老式迷信。提創外國新式迷信。使人不敬神佛。而信耶穌。凡城隍庵東嶽殿觀音堂相國寺等地。或駐軍隊。或改

學校。或改建市場。或改爲苦力收容所。所有偶像。都被毀棄。所有僧道。都被驅逐。善男信女。莫不咄咄詫爲怪事。恐馮必遭神譴。緇流羽士。咸敢怒而不敢言。馮自將督署前之轅門。照牆拆去。以便交通。棋杆亦全行伐倒。財政廳（舊藩署）開封縣署。均先後仿辦。一洗前清惡習。外表氣象一新。一般老官僚舊紳士見之。莫不舌橋難下。私議謂不成體統。互相誹謗云。

章程規定警務長悔罰三千

馮玉祥每日辦事讀書。均有定時。雖在署中。儼如學校。天性率直。微病卽急。自信力甚強。左右之言不納。卽親信如蔣參謀長。鄧長耀。鄧哲熙。張之江。薛篤弼。亦不敢輕易有所主張。警務處長鹿鍾麟。因查獲開封西大街和泰西洋布莊。私藏烟土。罰洋三千元。向馮請示。馮遽問定章。罰烟犯以千元爲核。汝據何理由。罰和泰西三千。鹿推諉行政科長核定。馮卽將該科長撤差。禹縣知事房某入謁。馮驟詢以是男是女。房曰男。然則手上何以帶戒指。房謝過而退。馮尤深恨貪墨之吏。豫省官場風氣。近日已大變特變。茲覓得馮一週間之課程表。附錄於下。

星期		期	一	二	三	四	五	六	日	附記
上		五至六	左					傳	休息	一本表自八月二十八日施行 一地點在督軍室
		講演者	沙		明		遠			
		六句十分至七句十分	英				文			
		講演者	施		牧		師			
午		八至九半	辦				公			
		十至十一半	會				客			
		十二至一	作				工			
		一半至四	體				操			
午		五半至七	辦				公			

張紹曾舉棋莫定

辛亥之役。北方將領中。第七鎮統制吳祿貞。首先要求清廷宣布信條。時張敬輿（紹曾字）方爲第三鎮統制。駐軍灤州。會清廷由東省運來軍械。循京奉路輸送至京。押解者爲現航空署長潘矩楹。道經灤州。有人獻策。應將車輛扣留。張從之。復有言於張曰。扣軍械。是背反朝廷。禍且不測。罪犯滅門。張大懼。將扣留之車輛。又令立即放行。爲獻策者所聞。急往見張。曰。既已扣車。反跡已露。雖再釋放。烏足泯其前痕。張又大悔。立命發電追回。殊不知車已過津。非張之兵力所能及。其胸無主宰。進退失據。有如此者。其實此項軍械。清廷無暇注意。以後潘開發山東。擴充成旅。卽此項軍械也。張旣因截械事。自覺不安。而清廷忽有派張赴河南宣慰之旨。蓋借事以奪其兵柄。從此張侘傺至今。鬱鬱不得志矣。

劉鎮華通電擋駕

張敬輿旣卸職行間。回鄉（天津）小隱。時督直者爲貴陽陳夔龍（小石）遣員問慰。張不能不往答拜。又恐陳奉密旨。將誘捕已。故謁陳時。一手攜其八齡女公子。譌言足疾。恐陳見疑。特攜此小孩代杖。令其弟懷手槍。在轅門外據馬車以待。懷疑畏惡。可笑亦復可憐。